

真
淳
草

光緒乙酉孟春

道
德
門
戶

太和縣署鐫板

題詞

吳楚滇黔寫壯游一編珍重抵瓊投振衣早攬蓬壺勝
提筆高吟海嶽秋難得長官多欸洽自來循吏總風流
驕人最是衙參後猿鶴聲中互唱酬

征輶歷碌走風塵忽覩仙才著作新華國文章經國手
郎官品第宰官身羌夷雜處難安堵父老同聲說愛民
莫道牛刀徒小試匡時終竟勝詞臣

奉題

寅叔仁兄大人 滇游集卽希

鄂政

鄉愚節虛盛未走草

豪宕處似太白警鍊頗類放翁意致纏綿吐屬風雅騷壇君固應獨樹一幟

愚弟熊昭鏡拜讀

己卯重九日讀

寅叔大令仁兄大人 滇游草書後卽請

吟政

名傳循吏復能詩風度融和與世宜泉潔不嫌官舍冷
琴高豈望俗人知歲穰屢禱懷慈惠

大集中有我爲風
斯民祝歲穰句

木常悲永孝思

亦大集中語

我欲雲藍鈔萬本寰中散與

民司

銓曹三載別庭槐自挈書囊萬里來宦味願如甜尾蔗

鄉心頻說隴頭梅蒼山泝水供吟料花縣琴堂屈大才

笑我十年香案吏借居猶得住蓬萊

郡署燬於兵燹借住學使考棚

愚弟鄧華熙未是草

才人爲政尙風流琴鶴相攜萬里遊顧我登樓緣落魄

識君遂願勝封侯從知雅化興民頌快讀新詩遣客愁

更羨淵源尋宦轍百年前已有貽謀

聞令曾祖曾守大理

寅叔先生吟壇大人見示遊滇草夜來拜讀不但
詩才清妙卽文章經濟亦從而已見一斑爰
用冊中元韻率成一律題後

郢政是幸

武陵王鴻猷未是草

簪毫粉署舊風流忽指炎荒汗漫遊釋褐十年名進士
分符百里小諸侯救貧慣受飢軀累作宦翻添內顧愁
差喜昆明銷劫火傳家治譜有貽謀

戊寅冬月與

寅叔仁弟大人話舊時將之官滇南賦此奉贈卽

請

正之

稗泉汪承慶稿

十年詞賦擅風流萬里關山快壯遊
道屈何妨權作吏時清且莫羨封侯
雕題語帶蠻方俗銅鼓聲含雁戶愁
聞道昔曾經戰伐哀鴻應少稻梁謀

離索年華似水流遠勞械札訊交遊
兩人心共三秋月一紙書輕萬石侯
我豈安仁偏拙宦君如平子本工愁

出山便作還山想明哲原應有善謀

寅叔吾兄大人捧檄之滇郵寄長句二律屬和謹
依原韻錄呈

詞壇卽希

郢政

眉川聞福增呈稿

捧讀大作潏洄各體靡不鏘然玉應盎然春溫
真是折肱老手擊節之餘勉賦兩律自笑爲嫖
母之塗粉也錄呈

吟壇政削

罡風浩浩下蓬萊，攜帶慈雲萬里天。曲體民情真父母，

每貪嘯詠卽神仙。銀蒼玉洱供詩興，味雪餐冰繼祖賢。

令曾祖曾守大理

生佛欲留留不住，扳轅臥轍苦纏綿。

時調補昆明縣

久聞鸞鷟是君家，藻繪山川詠物華。一卷寫成湘水曲，

三年種遍洛陽花。方欽雅意頻分酒，不料清秋忽代瓜。

我亦爲親干，薄祿白雲亭畔憶回車。

君以吏部改就明府，鉅亦由刑部改

官

春樵楊柄鉅未定草

送寅叔四弟之官雲南太和序

昔我曾王父中憲公守雲南大理者六年兩攝監司其
乞歸也都人士奔走攀留祖餞者相屬於道先祖亞元
公以詩紀事勒諸家乘距今已百餘年矣不謂弟之適
令是邦也弟通籍後觀政選曹以祿卷故乞外授而先
太恭人旋下世所志未遂然則今日綰墨綬佩銅符屈
而爲百里長者豈弟之願哉雖然業縣令矣究不得菲
薄而忽略之也且不能以向之爲京曹者爲之也京曹
分署而理主其事者僅一二人餘則旅進旅退碌碌無

所短長故有終歲不見長官者長官亦有數年而不識
屬僚者蕭疎閒散無束縛馳驟之苦勢使然也縣令則
不然提封或百里或百數十里政繁事雜皆恃我一人
之精神以運量乎其間而狡詐桀黠之徒百出其伎倆
以相試吏人輩又或交通爲奸此無論庸黯闕茸之輩
不可以爲治卽自詡精敏者始亦奮然有爲久之銳氣
漸消案牘滿前視爲故事且有以爲已治已安無俟乎
竭精億神者夫視爲已治已安則必至於不治不安負
國甚負民甚並負已亦甚甚哉爲縣令固若是之難哉

滇雖邊鄙而風俗素厚太和爲大理首邑又衣冠文物
之區也然當回逆初平之後若者當舉若者當廢斟酌
損益又倍難於承平無事時者第勉乎哉材力聰明與
生俱來不能稍有所增益也然孜孜求治之權則我得
而撻之豈若爲京曹時之蕭閒自適乎余牽涉冗俗不
克親見吾第之設施顧少遊賓幕中年又奔走衣食習
知作吏之難於吾第之行有不能已於言者無他亦勤
而已矣他日者一紙書來謂在官幸無廢事民亦習而
相安則不獨太和之民幸甚卽先人有知亦慰甚而所

以副余之期望者則固其末焉者也

光緒戊寅冬仲兄曾望錄稿於楚北廬寮

溪游草卷一 己卯正月

婁東寅叔張曾亮著

十九日起程赴滇親友有送行者口占留別一首

三月還鄉足自娛關心婦病嬾登途
今宵握手河干別萬種離情片語無

留別家人二首

話別言無盡悽然忍淚行有官如負累
多病劇傷情親串堪依托兒曹尙老成
關河千萬里安穩祝前程

不是封侯去春風莫倚樓葭苓須固本
詩卷足銷愁眠

食隨時慎音書命子修官卑羞戀棧况我倦翱游

和汪釋泉贈別韻二首

敢將強項傲凡流捧檄眞爲萬里游愧我彈冠遲奉母
羨人投筆早封侯棘童羗女夷方俗瘴雨蠻煙遠道愁
此去棠陰尋舊部承先鄭重說孫謀

先曾祖乾隆
朝曾守大理

詞場旂鼓逐名流十載長安客倦游驢券有緣書博士
貂冠無分位通侯登程已迫官符限話別翻添病婦愁

時內子卧
病未愈

自笑出山無遠志歸期端整鶴田謀

正月下旬武昌途次喜晤萼兄十日而別舟中追賦二

律卻寄並示

兒子駿崧

八年分袂住春明相見鬚眉各老成彈鋏慣爲湖海客
聯牀喜聚弟兄情扁舟東下難爲別兄返里門萬里南游壯
此行傳語家人休憶遠天涯書劍穩郵程

阿咸卅角便離鄉彈指年華弱冠強雁序難圓池草夢
時諸姪相繼下世鵬程初擷泮芹香問奇好侍譚經席逐隊還

登獻藝場盼爾竹林能繼武不同桃李列門牆

時命駿兒受學

詩以勉之

舟中賦贈蔣亦榭太守

萬里曾從節鉞游蠻鄉風物錦囊收

君曾隨李制軍赴滇有百首紀程詩

問途好作連宵話開徑真爲十日留漢上賓朋徐孺楊

郢中風月庾公樓更欣兄弟聯床叙

時夢兄亦寓君處

一洗頻

年濶別愁

舟行桃源縣道中卽事

桃源前去路崔嵬風景天然入畫來嵐樹青疑芳草簇
野花紅傍竹籬開南來山色濃於黛東下灘聲吼似雷
辛苦篙師能着力人間須爾濟川才

青浪灘謁馬伏波將軍祠